

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 154. sjednici, održanoj dana 12.03.2014. godine, d o n o s i

ZAKLJUČAK

I.

Prihvata se mišljenje Ministarstva za pravosuđe i upravu Zeničko-dobojskog kantona, broj: 06/03-02-26316-3/14, vezano za Autentično tumačenje Tarifnog broja 24., Tarife sudskih taksi, Zakona o sudskim taksama („Službene novine Zeničko-dobojskog kantona“, broj 12/09, 4/11, 7/11, 2/12 i 9/13).

II.

Utvrđuje se Prijedlog Autentičnog tumačenja Tarifnog broja 24., Tarife sudskih taksi, Zakona o sudskim taksama („Službene novine Zeničko-dobojskog kantona“, broj 12/09, 4/11, 7/11, 2/12 i 9/13).

III.

Prijedlog Autentičnog tumačenja Tarifnog broja 24, Tarife sudskih taksi, Zakona o sudskim taksama („Službene novine Zeničko-dobojskog kantona“, broj 12/09, 4/11, 7/11, 2/12 i 9/13) upućuje se u dalju skupštinsku proceduru.

IV.

Zaključak stupa na snagu danom donošenja.

Broj: 02-_____ /14.

Datum, 12.03.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za pravosuđe i upravu,

1x Stručna služba Skupštine,

1x a/a.

PRIJEDLOG

Na osnovu člana 158. stav 2. Poslovnika Skupštine Zeničko-dobojskog kantona – Novi Prečišćeni tekst („Službene novine Zeničko-dobojskog kantona“, broj: 7/12, 12/13) Skupština Zeničko-dobojskog kantona na ____sjednici, održanoj ____2014. godine, donosi

AUTENTIČNO TUMAČENJE

Tarifnog broja 24. Tarife sudskih taksi, Zakona o sudskim taksama („Službene novine Zeničko-dobojskog kantona“, broj: 12/09, 4/11, 7/11, 2/12 i 9/13)

Član 1.

(Predmet autentičnog tumačenja)

Utvrđuje se autentično tumačenje Tarifnog broja 24. Tarife sudskih taksi koja čini sastavni dio Zakona o sudskim taksama („Službene novine Zeničko-dobojskog kantona“, broj: 12/09, 4/11, 7/11, 2/12 i 9/13), (u daljem tekstu: Zakon), a kojim se precizira pravilan smisao navedenog Tarifnog broja.

Član 2.

(Pravilan smisao odredbe tarifnog broja Zakona)

Tarifni broj 24.:

- „(1) Za podnesak kojim se traži izdavanje uvjerenja plaća se taksa u iznosu od 5,00KM.
- (2) Za izdato uvjerenje plaća se taksa u iznosu od 10,00K.
- (3) Za potvrdu o pravosnažnosti ili izvršnosti koja se stavlja na sudski otpravak plaća se taksa u iznosu od 5,00KM.
- (4) Ako se jednim uvjerenjem potvrđuje više činjenica, plaća se jedna taksa.
- (5) plaćanju takse iz stava(1) ovog tarifnog broja podliježu i elektronski podnesci kao i svaki naknadni podnesak kojim se dopunjava ili mijenja prvobitni podnesak“

S obzirom na navedeno, na zahtjev kojim se traži izdavanje ovjerenog prijepisa ili službenog izvotka iz tarifnog broja 15 stav (1) tačka a) ne plaća se taksa u smislu stava (1) tarifnog broja 24. Zakona.

Član 3.

(Primjena autentičnog tumačenja)

Ovo autentično tumačenje se primjenjuje i važi od dana primjene odredbe Zakona za koje se daje autentično tumačenje i isto će se objaviti u „Službenim novinama Zeničko-dobojskog kantona“.

Broj: _____/14
Datum, _____ 2014. godine
Zenica

PREDSJEDAVAJUĆI

Sretko Radišić



Broj: 06/03-02-26316-3/14
Zenica, 3.3.2014. godine

VLADA ZENIČKO-DOBOJSKOG KANTONA
n/r Sekretara

PREDMET: Mišljenje, dostavlja se

Na osnovu člana 7. Zakona o kantonalnim ministarstvima i drugim tijelima kantonalne uprave ("Službene novine Zeničko-dobojskog kantona", broj: 13/08 - prečišćen tekst, 3/10 i 6/12), a u vezi s pokrenutom Inicijativom „Konzum“d.o.o. Sarajevo za davanje autentičnog tumačenja Tarifnog broja 24. Tarife sudskih taksi, Zakona o sudskim taksama ("Službene novine Zeničko-dobojskog kantona", broj: 12/09, 4/11, 7/11 2/12 i 9/13), (u daljem tekstu: Zakon) kada je u pitanju plaćanje sudske takse za zahtjev za izdavanje zemljišno-knjižnog izvataka, Ministarstvo za pravosuđe i upravu daje

MIŠLJENJE

Zakonom o sudskim taksama („Službene novine Zeničko-dobojskog kantona“, broj: 12/09, 4/11, 7/11, 2/12 i 9/13) - DIO SEDMI – POSEBNI SLUČAJEVI, u Tarifnom broju 24. propisana je visina takse za sudska uvjerenja i potvrde tako da se za podnesak kojim se traži izdavanje uvjerenja plaća taksa u iznosu od 5,00 KM stav (1), a za izdato uvjerenje se plaća taksa u iznosu 10,00KM, stav (2).

Isto tako u Zakonu o sudskim taksama – DIO TREĆI - ZEMLJIŠNO-KNJIŽNI POSTUPAK propisane su takse za pojedine radnje u zemljišno-knjižnim postupcima, tarifni brojevi 13, 14 i 15. Tako je za izdavanje ovjerenog prijepisa ili službenog izvataka propisana taksa u iznosu 10,00 KM (Tarifni broj 15. stav (1) tačka a).

Shodno navedenom, Tarifni broj 24. stav (1) ne može se primjeniti kada je u pitanju zahtjev za izdavanje ZK izvataka (zemljišno-knjižni postupci), jer to ne spada u posebne slučajeve, obuhvaćene ovim tarifnim brojem.

Prema tome prilikom izdavanja zemljišno-knjižnog izvataka ne plaća se taksa u smislu tarifnog broja 24. stav (1). tako da se postupanje sudova u smislu navedenog smatra ispravnim.

S poštovanjem,

Dostavljeno:

1x Naslovu
1x Sektor za pravosuđe
1x a/a

MINISTRICA

Romana Brkić, dipl.pravnica